



陸天錫詩集

五言長律

次繁昌邑宰梅雙溪韻

矍鑠繁昌宰曾充觀國賓
儒冠猶破帽禮服尚
垂紳澹泊心無愧清癯
自有神老隋朱紱貴駑
見白頭新撫字三年政
歌謠百里民

題進士索士岩詩卷士岩與余同榜又

同為燕南官由翰林編脩為御史臺掾

兼經筵檢討除為燕南廉訪經歷

意晉登天府文華萃帝鄉
俊才魚貫列多士馮

成行寶劍懸秋水驪珠耿夜光三場如拾芥一
箭已穿揚上策師問孔蜚聲陋漢唐鳳池開御
宴虎榜出宮墻賜笏丘山重息袍雨露香天花
皆剪翠法酒盡封黃冠蓋遊三日聲名滿四方
歷階超宰輔捧表謝

君王第甲分三敘鐫碑立上庠曲山嘉宴會合
席尽才良契誼同昆弟比和鼓瑟簧誓辭猶在
耳離思各驚腸臺閣需材器儒林作棟梁超遷
烏府掾輝映繡衣郎迫晏封幾事平明出奏章
日披墳典舊時念博書忙檢討超經帷論思近

御床聖朝稽右道日暮下迴廊羈旅然薪桂長
吟出錦坊弱妻貧且病羸馬瘦仍僵窮巷迴車
轍空厨泛酒漿故人傳奏目請便趣行裝星極
三臺重燕南各道昌承恩辭魏闕攬轡去恒陽
曉幘芙蓉露秋空栢樹霜諸司循直矢群吏肅
宋綱漢水浮神馬岐山出鳳凰行須冠獬豸已
見走豺狼慚愧蓬蒿翼乘風亦下翔

送丁太初赴永嘉學正十八韻

國學崇儒代人材絕妙年風雲千里駿日月九
重天翰苑司掄選中書屬次銓光榮毛義檄奮

發想生鞭學廣儒官制書傳子弟負宦情依冷
搦官舍擁寒氈筮仕無喻此如君更穎然永嘉
今亦郡多藝夙多賢咨訪兼留意英髦孰接肩
舊家疑竊寘遺業想流傳會看聲華盛應知德
業全高情何特達矇目共周旋春着花開秋
乘柳下船篇章微點染山水自清妍薦豆登霜
袖克尉載海鮮洞簫吹月下土樹立風前已作
魚龍變何嫌雨露偏群公爭薦進拭目着騰蹇

五言古詩

過池陽有懷唐李翰林

我思李太白有如雲中龍垂光紫皇案御筆生
青紅群臣不敢視射日盡盲脫靴手污襪蹴
踏將軍雄沉香走白兔玉環失頰容春風不成
雨殿閣懸妖虹長嘯拂紫髯手撫青芙蓉掛席
千萬里遨遊江之東濯足五湖水掛巾九華峯
放舟玉鏡潭弄月秋浦中羈懷正浩蕩行樂未
及終白石爛齒之貂裘浹濛之神光走霹靂水
底鞭雷公采石波浪惡青山雲霧重我有一斗

酒和淚灑天風

題焦山方丈壁

江風入霜林寒葉下疎雨蕭々復蕭々可聽不可數
山僧亦好奇呼童掃行路到處覓秋聲有輿入山去

送吳寅甫之揚州

青楊吹白花銀魚跳碧藻落日上海船二月維
南道渺々春水涯悠々雲樹杪安得快剪刀江
頭剪芳草

秋日病起池上

顧茲林塘幽消此閑日永飄々風辭萍踪落葉散
魚影天地風露涼秋深藕花冷有懷無與言獨
立心自省

題潭州劉氏姊妹二孀貞節

霍藤本同根長大附高樹々倒何所依不離樹
根土劉家好姊妹嫁作儒家婦儒生逝不返姊
妹何所去憶昔嫁夫時各願似偕老今日無所
歸骨肉自相保一炉鑄兩鏡懸置東西窓々前
主人去兩鏡復一霍哀哉々劉二孀

早發黃河即事

長牽大河上曙色滿船頭依了樹林出條々烟
霧收村墟雜鷄犬門巷出羊牛炊烟動茅屋秋
稻上壠丘嘗新未及試官租急徵求兩河水平
堤夜有盜賊憂長安里中兒生長不識愁朝馳
五花馬暮脫千金裘闔鷄五坊市酣歌最高樓
綉被夜中酒玉人坐更籌豈知農家子力穡望
有秋短褐長不完糶食長不周醜婦有子女鳴
機事耕疇上以充國賦下以祀松楸去年築河
防驅夫如驅囚人家廢耕織嗷々齊東州飢餓
半欲死驅之長河流河涘天上来趁下性所由

古人有善脩鄙夫無良謀我歌兩岸曲庶達公
與侯淒風振枯槁短髮涼颼々

寄朱舜咨王伯循了即休

元統二年秋八月僕與淮東憲副朱舜
咨廣東憲僉王伯循會于瓜州江風山
月亭上過金山登妙高臺飲酒賦詩京
口鶴林寺僧了即休風雨渡江僧別少
年遊詞即休既城去舜咨伯循留廣陵
僕獨涉淮過河北人生聚散信如雲萍
倒指歲餘舊遊如夢向時舜咨有雨過

江色淨五字天趣妙發未克竟篇茲以一字為一韻賦詩寄上舜咨伯循二前輩

鶴林主者了上人

木落淮南秋蘭橈泊江渚把酒三人同江亭看
飛雨雨過江色淨妙景發天趣歷歷江南山一
一青可數

大江湧金山穩若青蓮座山下有龍宮見水不
敢唾江山萬古同日月片帆過把酒妙高臺狂
歌醉相和

鶴林僧布襪青鞋雙長江飛鉢渡碧海魚

龍撞遠來作偈別楚雨鳴秋窓振錫獨歸去天
花飛滿江

微茫揚子橋細雨濕秋色小艇載吳姬搖舌語
相接風起布帆高一往不可得夜宿廣陵城吹
簫照明月

霜高木葉空江清水花淨離懷江水深楚女曉
粧靚按拍聽歌聲點筇行酒令白露滿衣裳迥
野垂斗柄

宿烏石驛

雲起烏石峯雨洒紫溪嶺孤館如山深愁人覺

宵永灯花剪復開風竹亂不整清晨度閩關南
斗落衣領好寫度閩詩點筆題石笋

度閩關

曉度分水嶺身在雲霧中手如天上捫
下風雷霆走澗壑神人過虛空頃刻開萬象赤
鳥飛嶺東白雲下千峯盡入懷袖裏振衣度閩
關洒作山水仰登天有梯俯視并無底古來
守關人盡作山下鬼寒食百草青春風吹不起

度嶺輿至崇安命棹建溪

人生天地間馳馬歷大塊行樂須及時流光逝

難舟後、功名徒歷、山水這偉哉東南區奇
險閩粵最車書四海同風氣一嶺界肩輿度層
雲手棹下急瀨四山抱迴流環合如束帶玉井
蓮葉漂仰面天作蓋修地丹峯前却在紫嶺背
微陰間雲霧踈雨洒杉檜深林樵牧歸落日山
鬼會雪濕掛水簾林風奏天籟石梯架仙岩往
徃遺骨在瑤草石上生丹藥市曹賣嶽、考亭
祠過客祠下拜溪水自成文上接洙泗派喚渡
雲門僧貌古清可愛手把青松枝跌坐溪石待
懸崖虹棧危挿竹漁網晒山高入蟻旋下視舟

立芥輕狂類飛鯨宛轉亂石隘崢嶸龍角尖硯
碕龜首癩嗟呀激頽波出沒如水怪萬鼓搥地
雷三峽瀉泝泝峯峦爭送迎奔走萬馬快箭過
耳生風開口不暇咳峭壁起衝流眈若巨鰲戴
上有舊題名歲月刻壞豈無姓名存彷彿年
月載覽此前人踪徒為後人慨天氣易寒暄光
景倏明晦浩蕩三日程應接千萬態會登天柱
峯一覽宇宙大少壯膏中豪神遊八荒外題詩
贈山靈清氣留勝槩

寄鉛山別駕完顏子忠

我識顏別駕風度脩且閑近持五色筆輝光動
南蛮甘飲石井水卧治鵝湖山玉峯露洒々風
林珮珊々表々臺閣姿豈久州郡間相思不相
見可愛不可攀海風夜月朗飛度七閩關

石上晚酌天章臺

晚涼上烏石置酒天章臺夕日下山去海風吹
月來豪氣吐千丈朗吟動三台白露洒仙掌銀
河瀉金杯誰識芙蓉仙飛身在蓬萊

高臺在層霄有輿上絕壁露下酒樽涼月出海
門白坐拂衣上雲醉臥林下石西風吹鬢毛南

斗在肘腋題詩向天闍奎光射瑤席

宿臺山寺絕頂

江白潮已來山黑月未出樹杪一灯明雲房人
獨宿近水星動搖河漢下垂屋四月夜深寒繁
露在脩竹

望鼓山

鼓山起千仞迺是東海垠蛟龍穴其下霹靂翻
海門砥柱儼不動日夜雪浪奔何當臨絕頂俯
視浴日盆

題汀州丁三溪知事卷

三溪會汀州上有仙人店乃是丁令威玉佩搖
瓊琚高秋下風露水清映芙蓉華表慣聞鶴小
船閑釣魚鑑湖風半曲賀老竟何如

夜興

平峯走晴雷風力吹邊雨層雲不成陰殘缺如
敗堵山深日易暝孤館孰賓主灯花翳復明落
葉聲可數獨立誰與親厨人夜深語

題茶陽驛飛亭

白雲飛出山怒壁蒼峽裂出谷濕晴雲絕壁洒
飛雪萬折入滄海龍宮水晶閣簸揚弄珠人冰

簾掛寒月

將至大橫驛舍舟乘輿暮行二首

山行日已暮肩輿度林薄涼飈淒以清松子當
面落千山月崔嵬萬葉雨蕭索昨夕掉歌行頗
憶溪上樂

月輪轉頭上溪瀨奏脚底人行山色中葉落雨
聲裏虛名為一官遊子在萬里行以重行以日
夕聊復止

聞秋蛩有感

秋蛩集草樹淒然亦何繁行子在遠道豈不思

故園禾稻上丘龍鳥雀知所以喧田園可終老
有冕何足言

贈白雲

白雲抑何閑竟日不下山時從脩竹裏相伴一
僧還悠悠覆松頂渺渺歸岫間奔走塵俗客視
君多厚顏

白雲答

使君抑何忙寧不思故山茫茫天壤間鳥倦猶
知還石田紫芝老茶竈碧蘚斑胡不賦歸來分
子屋半間

望武夷

溪行望武夷峭壁何斬絕赤霞亂不收大化元
氣泄下有萬年松上有太古雪祗恐月明中鐵
笛吹石裂

宿武夷

艤舟山水間借問武夷觀月掛水晶簾風吹紫
霞幔鷄犬過雲間笙樂度天半傳語武夷君酒
熟華相喚

吳橋縣古河堤

迢迢古河堤隱隱若城勢古來黃河流而今作

耕地都邑變通津滄海化為塵堤長燕麥秀不
見築堤人

溪行兩岸皆芙蓉桂花余喜遂賦此詩
芙蓉發著蕾桂樹花爛斑中秋前日過客子未
出閨香生桂樹下芙蓉葉花以寄遠人葉
以作書帖何日棹船還桂樹芙蓉間船頭听我
夜吹笛吹起月輪昇東山

會杜清碧

夜宿武夷山迺是杜清叟清談道人同險路山
鬼走出門視河漢危梯掛星斗白露滿芙蓉清

寒夜深久

我識杜清碧深居武夷山採藥紫芝嶺行歌白
雲間天根深可躡月窟高可攀天子召不起道
人閑往還

書卧雲際亭

紅塵如海深度水卧雲際白雲如故人千峯走
群婢長嘆一欠伸風葉飛滿地一鳥沒遙天樹
矮渾如薺

過延平津

神物在天地變化須有時踊躍一入水風雲波

浪隨志士昔未遇常人安得知一朝忽奮迅見
女驚且疑

萬山二水合匯之為深淵劍化亦已矣過者尤
凜然神物豈常處入地忽上天所以磊落士豈
為愚者憐

當時二龍劍迺是山川精埋沒於獄礎異氣騰
豐城神光射霄漢牛斗為不明一入壯士手長
鳴除不平

哭同年進士李竹操經歷

進士如公少何期與死隣青山歸葬骨白髮未

封親已矣官三郡哀哉子一人送君螺水上嗚咽淚沾巾

此去成長別頻將雨淚揮空江片帆遠落日亂鴉飛白紙招魂葬青山有夢歸雙親頭似雪塵暗老萊衣

偶題清涼境界

今日清涼境明朝劒水心酒堪消客况泉可洗塵襟佛古荒苔蘚林深繁綠陰樵歌山路晚餘興付歸禽

薩天錫詩集

七言絕句

雪中渡江過山飲暘谷簡上人房

聞說山中新酒熟野人乘興過江來小窓無處着春色一樹梅花雪裏開

山酒吹香出小槽燈前痛飲污青袍夜深夢醒知何處老鶴一聲山月高

京口城南次集

野薺花開春欲盡山櫻子落雨初晴酒醒騎馬踏花去門外綠陰無數生

雨深綠葉櫻桃肥日長青草蝴蝶飛江南三月
春欲盡白馬王孫遊不歸

懋奉真道院

落花風颺步虛聲翠草玄芝爛熳生過客不知
春早晚午窓晴日睡聞鶯

對客

石榴花開光照屋胡桃葉大陰滿簾焚香終日
對客坐時有白雲未織

過揚州

買舟南浦秋聞鴉呼酒西窓夜剪灯何處玉簫

天似水瓊花一夜白如冰

宿淮南長蘆寺

柳花漠漠春歸寺荳葉青青晚渡江屋角松聲
撼風雨道人一夜不開窓

宿化閣渡口阻風

江船日午無人渡河口人家盡下曾却憶吳姬
新釀酒鍾山對岸是金陵

艇子渡江何日迴石頭城下浪如雷淮南春色
知多少一樹櫻桃帶雨開

客船伐鼓春江暮水面魚龍出浪花今夜石頭

城下泊買魚沽酒向誰家

瓜州阻風

渡口無人上野航
白頭危浪自衝撞
東風一日不肯住
吹送柳花飛渡江

題界首驛

清氣撲人湖面水
幽聲到耳樹頭風
人家蟋蟀老櫻桃
過恰是淮南四月中
平湖過雨天開鏡
落日放船人打魚
野老柳陰沽秣酒
行人馬上寄家書

渡淮即事

揚花點點衝帆過
燕子窺窺掠水飛
淮上漁人閑不得
船頭對結綠蓑衣

西宮即事

九重五色金銀闕
冠帶將軍畫羽林
白髮儒生才進講
西宮午漏隔花深
退朝西殿承平日
一片春雲奏鳳笙
白面內官供玉食
却將黃帕覆銀鑪

還臺偶成二首

高低柳絮飛渡水
紅白桃花開滿枝
自笑江南無用客
一春無事只題詩

踏雪歸來過早春
沉沉臺府隔紅塵
東風吹綠青溪柳
馬上輕寒不着人

題冶城道士稽秋山卷

不見冶城稽道士
雲深無處訪仙蹤
夜聞老鶴行枯葉
知在秋山第幾重

余與觀志能俱以公事赴北舟至梁山
泊時荷花盛開風雨大至舟不相接遂
泊芡葦中余折芡一葉題詩其上寄志能
題詩芡葉雨班班
底事詩人不恡閑
滿爍荷花開欲遍
客程五月過梁山

春詞

深宮盡日垂珠箔
別殿何人度玉筍
白面內官無一事
隔花時聽打毬聲

秋詞

清夜宮車出建章
紫衣小隊兩三行
石闌干畔銀灯過
照見芙蓉葉上霜

上京即事

一派簫韶起半空
水晶行殿玉屏風
諸王舞蹈千官賀
齊捧蒲萄壽兩宮
上苑棕毛百尺樓
天風搖拽錦絨鉤
內家宴罷

無人到面、珠簾夜不收

行殿參差翡翠光
朱衣花帽宴親王
綉簾齊卷薰風起
十六天魔舞袖長

中官作隊道官車
小樣紅靴踏軟沙
昨夜內家清暑宴
御羅涼帽插珠花

大野連山沙作堆
白沙平處見樓臺
行人禁地避芳章
盡向曲闌斜路來

院、翻經有咒僧
垂簾白晝點酥灯
上京六月凉如水
酒渴天厨更賜冰

祭天馬酒洒平野
沙際風來草亦香
白馬如雲

向西北紫駝銀甕賜諸王

牛羊散漫落日下
野草生香乳酪酣
卷地朔風沙似雪
家之行帳下氈簾

紫塞風高弓力強
王孫走馬獵沙場
呼鷹腰箭歸來晚
馬上倒懸双白狼

五更寒襲紫毛衫
睡起東窓酒尚酣
門外日高晴不得
滿城濕露似江南

再過梁山泊有懷觀志能二絕

故人同出不同歸
雲水微茫入夢思
記得題詩向芦葉
滿湖風雨似來時

灯火官船夜睡遲滿湖風露襲人衣無端驚起
沙頭鴈明月芦花各自飛

邵伯舟中

驚魚時出浪花雪短髮涼吹水面風遠客行船
秋色裏誰家吹笛月明中

題京口高資包氏壁

省輿曉出新晴出山色青々上客衣昨日千林
風雨過滿田白水鷺鷺飛

贈茅山道士胡琴月

茅山道士來相訪手抱七絃琴一張準擬月明

彈一曲桐花落盡曉風涼

送鏡中圓上人遊錢塘

西湖西畔三天竺古木蒼藤望欲迷遙憶道人
禪榻夜月高霜落听猿啼

過贊善庵

夕陽欲下行人少落葉蕭蕭路不分脩竹萬竿
秋影亂山風吹作滿窓雲

雲中過龍潭紫微觀訪道士不值

道人已跨龍潭鶴童子能煎雀舌茶一夜山中
滿林雪客來無處覓梅花

將遊茅山先寄道士張伯雨

借騎白鶴訪茅君琪樹秋聲隔夜聞料得山中
張外史開門先掃鶴巢雲

登衆妙堂題商學士畫雨霽歸舟圖

大茆峯頂見日出烟樹雲林宿雨收萬里澄江
淨如練却從天際識歸舟

紫微觀道士馮友直與予同宿苗閣次

日子過元符宮友直同僧安上人過五
雲觀寫詩贈友直

道人采藥出山遲菌閣秋寒襲羽衣半夜忽聞

孤鶴語五雲相伴一僧歸

同僧遊疑神庵因觀宋高宗賜蒲衣道
士張達道白羽扇

晴日赤山湖水明湖中山影一眉青蒲衣道士
無人識羽扇年多落鳳翎

茅山玄洲精舍有道士彌紫軒又彌木
通生白日坐解遺書其徒許道民者至
今坐墻尚存為題其卷

白日飛昇凌紫烟靈書猶許道民傳玄洲精舍
無多地夜火珠光燭天

同御史王伯循時除廣東僉事濟揚子
江余除燕南照磨

落葉政飛揚子渡行人又上廣陵船過江載得
秋多少老鴈一聲霜滿天

九日渡淮喜東南順風

青旗紅字映河濱九日人家物色新渡口客船
爭貰酒斫魚列紙賽河神

東南風送渡淮船過鴈占寒水接天落日紅霞
收未盡滄雲微月出東邊

春日鎮陽柳溪道院

城外曹溪出澗門道人歸後日長曛柳花滿地
無人掃隔水遙看是白雲

過鎮陽城南觀音院

柳色暗藏溪上寺露華偏濕水邊僧門前天暝
荷花滿出水遊魚夜戲灼

寄奎章學士濟南李溉之

山東李白似劉伶投老歸來酒未醒天下三分
秋月色二分多在水心亭

咲擲金龜上酒船不須圖像在凌烟碧羅衫色
烏紗帽便是開元李謫仙

過敵州

西風老樹昏鴉集
落日荒城暗雨崩
寂寞斷碑秋草裏
路人遙指敵王陵

補題淮西送王仲和從事詩卷

百年馳馬苦匆匆
水落烏江楚廟空
眼底山川猶歷歷
淮南舊夢雨聲中

題李溉之送別詩卷

清平三曲動明皇
四海知名李白狂
把酒深春送行客
揮毫字字柳花香

將入閩趙郡崔好德求題輿地圖

月輪西轉日生東
四海車書總會同
騎馬出門天萬里
山川長在別離中

黃河舟中月夜

十丈雲帆拂斗杓
星槎風急浪花飄
夜深露冷銀河近
卧听天孫織絳綃

阻風南露筋過羅漢寺登樓看山茶

野寺尋春酒未醒
不知幾日過清明
小闌干外東風急
一樹山茶落晚晴

夜宿金山題金山圖

遠人夜宿金山寺
坐對畫圖如夢中
剪燭題詩

雲氣裏不知身已在龍宮

春日過丹陽石仲和宅會茅山道士石

山輝

杏花一夜雨
寒酒醒丹陽
幾日還却遇
茶君
三白鶴借騎一隻到三山

登姑蘇臺二首

閭門楊柳自春風
水殿幽花泣露紅
飛絮年年入
滿城郭行人不見館娃宮
野水滿城飛燕子
誰家小艇載吳姬
姑蘇臺上一樽酒
落日昏鴉無限悲

入閩過平望驛和御史王公循題壁

廣陵城裏別匆匆
一去三山隔萬重
日暮江東
等相憶欲臨秋水剪芙蓉

宿長安驛二絕

埧北埧南河水平
客船爭纜水雲腥
鄉音吳越
不可辨
灯火黃昏如亂星
水面微風動楊柳
客船吹笛月明中
遠人江海
多歸思
卧看流星度水東

釣臺夜興

仙茶旋煮桐江水
坐客遙分石壁灯
風露滿船

山月上夜深獨對釣臺僧

早發釣臺

山頭鐘響不聞鷄重露翻鴉滿樹啼艇子釣臺
東畔發月輪却在釣臺西

蘭溪舟中

水底霞天魚尾赤春波綠占白鷗汀越船一葉
蘭溪上載得金花一半賚

泊江家步無月同孟志學小酌溪上

把酒無從邀月色共君且復聽灘聲夜深灯影
青溪上魚尾搖船亦有情

蘭溪春水似蒲萄越女如花壓小槽今夜共君
溪上醉直須溪月照宮袍

黃亭驛晚起

積雨莓苔上壁青曉寒山館夢初醒鷓鴣聲裏
流年渡自是行人不傾聽

和經歷揚子承曉發山館

夢回山館月西斜曙色十峯動紫霞杜宇一聲
山竹裂鷓鴣飛上野棠花

石林郎事

三山幕府無公事多病郎官懶出門老鷓鴣喚迴

童子睡石盆新雨長蘭孫
蒲扇屏山紫竹床領南五月似秋涼
硯池風動雲生石簾外雨蘭吹濕香

題翠風

海國夜涼星亂垂石林逋客未眠時
滿簾月色吹輕露白露無聲下竹枝

獨坐恭和堂

東閣高懸如道院人言幕府最清嚴
即封不動坐終日滿樹梅花雨一簾

閩城歲暮

嶺南春早不見雪臘月街頭听賣花
海國人家除夕近滿城微雨濕山茶

經歷司暮春即事

隔樹幽禽送好音沉沉幕府似雲林
小盆幾箇山茶落桃葉滿簾春雨深

雲飛海燕拂簾過風捲魚鱗剪綠波
閑倚石闌數春事滿也紅雨落花多

贈道士陳華隱

早年濯足東海水去卧華峯頂上雲
收得九秋仙掌露歸來酌獻武夷君

題淮安王氏小樓四絕

岳山王氏小樓獨占淮安一勝予嘗
以迎餞至此登斯樓謾成四絕模寫
其際後之來者其興無窮

江水翻翻鴨綠新江頭日送行人南來北去
年年事岸草汀花自在春

拂曉樓窗一半開樓前昨夜浪如雷滿江梅雨
風吹散無數青山渡水來

江月滿樓江水澄胡床據坐憶吾曾解吟如練
澄江句未信玄暉獨擅能

雪滿寒江壓酒旗江南無處不堪題小舟載得
梅花去渡領春風過水西

題畫竹

小雨春池濕鳳毛天孫深夜織鮫綃何人更
湘江水獨倚薰風憶舜韶

彭城雜詠呈廉公亮僉事

亞父塚前春草齊楚王城上夕陽低黃鸝不解
吳亡事飛過海棠枝上啼

城下黃河去不回四山依舊畫屏開無人念得
登臨意獨上將軍戲馬臺

雪白楊花拍馬頭行人春盡過徐州夜深一片
城頭月曾照張良案上籌
何處春風燕子樓斷碑落日古城頭畫眉人遠
繁華歇無數遠山生暮愁
歌扇搖風喚酒香舞裙今日動鴉黃柳邊今夜
孤舟發水遠山遙空斷腸

寒食馬上

道傍楊柳已栖鴉幾度春深未到家城北城南
千樹雪行人馬上看梨花

燕京作

落月西窓聞禁鍾夢回遠客立雲龍江南飛盡
千株雪辜負梅花過一冬

奎章閣感興二首

奎章三月文書靜花落春深鎖閣門玉座不移
天步遠石碑空有御書存
花落春深似去年無人再到閣門前當時濟濟
誇多士爭進文章乞賜錢

京城立春

燕姬白馬青絲纒短衣窄袖銀盤光御溝飲馬
不回首貪看柳花飛過牆

燕姬十五未出門，滿眼諸王孫馬頭相見
不相識亂絮遊絲空斷魂

九日遇雨

佳期不負到重陽，細雨濃陰又可傷。
試問東籬何處賞，有花無酒惱人腸。

客中九日

寥落天涯歲月賒，每逢佳節苦思家。
無錢沽得隣家酒，不敢開窗看菊花。
佳節相逢作遠商，菊花不異故人鄉。
無錢沽得隣家酒，一度孤吟一斷腸。

雪中妃子

梁王宴罷下瑤臺，窄窄紅靴步雪來。
疑是陽和三月暮，楊花飛處牡丹開。

初夏淮安道中

魚蝦潑々初出網，梅杏青青已着枝。
滿樹

雨行人四月過淮時

過石子岡

霞光日落紅穿樹，山色雨餘青近人。
便好拂衣入山去，解鞍辭却馬頭塵。

次王叔能侍御史

龍蛇偃蹇出牆陰五色春雲態度深
臺閣文章散清氣月明山館夜蕭森

醉起

揚柳樓心月滿床錦屏綉褥夜生香
不知門外春多少自起移灯照海棠

宮詞

駿馬驕嘶懶着鞭晚涼騎過御樓前
宮娥不識中書令借問誰家美少年

衰柳

清涼亭上幾株柳霜夜涼風下夕陽
依舊明年

二三月小金山上看鷺黃

戲友人

毗陵公子醉醺醺白面迎風向酒痕
幾度小紅樓上月有人銀燭掩重門

宴回

兩行老柏參天翠銀燭青懸御史回
深夜酒闌人散後獨留明月照霜臺

約友遊西峯不至

仙人約我峯頭去欲去峯頭看白雲
一夜白雲峯下宿曉來散作雨紛紛

太平驛即事

驛鼓高懸使者稀
溪雲斷續樹參差
日斜山畔無人語
獨立西風裊挂枝

過光孝寺

秋日留題翠壁層
出山聊聽在山僧
肩輿又上沙頭渡
隔水人家兩岸燈

臨丹青閣

飄然身在紫芝峯
翠壁丹青崖有各
通傑閣凌烟欲飛去
亂山無數夕陽中

黃河夜月

斗杓照水半垂天
水氣漲天如白烟
南北撻羌爭上下
月中聞鼓避官船

沛尉蔣景山沛簿趙伯顏送予金溝月夜別去有懷

公子將軍兩少年
繡衣白馬杏花天
醉中送客歸城暮
回首金溝月滿船

陸天錫詩集

